

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第十九冊

地方志人物傳記資料叢刊

國
家
圖
書
館
編

北京圖書館出版社

第十九冊 目錄

(嘉慶)昌樂縣志

宦績傳	一
鄉賢傳	七
忠義傳	一三
孝友傳	一七
事功傳	二三
篤行傳	二九
文學傳	三七
高士傳	四三
一行傳	四四
僑寓傳	四六
方伎傳	四八
列女傳	四九

(民國)昌樂縣續志

宦績傳	七一
鄉賢傳	七五
忠義傳	七七

孝友傳	八一
事功傳	八九
篤行傳	九七
文學傳	一一一
武胄傳	一二四
高士傳	一二五
一行傳	一二七
方伎傳	一三三
列女傳	一三九
僑寓傳	一六〇
雜稽傳	一六一

(光緒)臨胸縣志

秩官表	一六九
科貢表	二二九
人物傳	二七九

(民國)臨胸續志

秩官表	三五五
科貢表	三六四
學資表	三七〇
選舉略	三七九

墓志銘	三八七
人物列傳	三八九
列女	四一三

(道光)安邱新志

碑銘	四二九
秩官表	四三九
貢舉表	四五五
賜封表	五二三
恩蔭表	五四九
宦績傳	五五一
儒林傳	五五三
事功傳	五五五

文苑傳	五六一
武胄傳	五六七
篤行傳	五七一
孝義傳	五七七

(乾隆)昌邑縣志

勳士	五八三
職官	五八三
選舉	五九六
賜封	六一〇
人物	六一五
藝文	六二七

昌樂縣志卷十九

宦績傳

今之分邑卽古之侯封士君子專城南面牧此一方風
昔之志生平之學舉見於此卓魯襲黃之業誰靳而弗
爲耶人每惕於有所憚而奮於有所慕懿型在望山高
水長至若炳耀千秋豐馨二仲嗚呼豈不榮哉作宦績
傳

伏恭

應劭

竇俊

耿峻

張承奉

段綺

昌樂縣志

卷十九

宦績

楊仲徽

胡世能

于子仁

于潛

章彛

蔣芳

張泉

趙錦

方天然

趙誠

謝譽

何洪

周原

李錚

朱木

王家相

李思孝

張美

岑東曙

沈自彰

劉可訓

仲嘉

張魯得

劉芳奕

王瀨之

楊復亨

辛炳翰

房文登

馬獻墀

呂正音

葉翹

岳貞

馬騁

賀基昌

王文燭

朱宏仁

傅隆阿

鍾廣起

曹宅安

趙其璜

昌樂縣志

卷十九

宦績

紀大奎

展天賜

魏禮焯

王化昌

後漢伏恭字叔齊琅邪東武人司徒湛之兄子湛弟黯
字雅文以明齊詩改定章句作解說九篇位至光祿勳
無子以恭爲後恭性孝事繼母甚謹少傳黠學以任爲
郎建武四年除劇縣令視事十三年以惠政公廉聞青
州舉爲尤異太常試經第一拜博士遷常山太守教修
學校教授不輟由是北州多爲伏氏學永平二年代梁
松爲太僕四年帝臨幸辟雍於行禮中拜恭爲司空
諸君以爲榮

應劭字仲遠汝南人少篤學博覽洽聞舉高第爲營邱令丰神俊逸政務修明以城陽王本封朱虛并食此縣宜常血食不禁其餘淫祠盡革嘗刪定律令著漢官儀撰風俗通以辨物類各號漢獻朝拜軍謀太尉

唐竇俊爲北海令政聲大著於營邱故城東北穿渠引白狼河水曲折五十里以溉民田獲利甚溥至今人呼爲竇公渠

宋耿峻好學通六經初授高密尉廉幹有聲再任昌樂決獄治賦吏民感悅卒贈洗馬

金張承奉大定九年領縣事政務修舉民情和樂

昌樂縣志 卷十九 宦績

三

元段綺一作琦字百祥濱州人中統中領縣事經畫有方撫字有恩境內晏然後領高密事民不忍其去白於府以明威將軍復知昌樂事

楊仲徽長清人元統中尹北海首以興學育才爲務政治修舉人樂簡易

胡世能北海縣尹失考

明于子仁字景安武岡人初爲縣丞明斷不苟每以經術飾吏事洪武二十四年邑民孫希孟等詣闕保其廉能寵錫金幣陞知縣擢登州府民不忍其去崇祀名宦祠

于潛字孔昭鄂陵人始任監察御史後知昌樂縣事履明兼著三載報政擢江西建昌府知府尋陞應天府尹崇祀名宦祠

章彞蘇州人天順中爲教諭經明行修勤於訓誨師範偉然

蔣芳盱眙人成化中任訓導力行課誨以式多士歷任九年人多宗之

張泉陝西人事親以孝聞成化中任縣丞廉能剛斷治最第一

趙錦祥符人成化中任主簿廉介不阿有能吏才

昌樂縣志 卷十九 宦績

四

方天然江都人宏治元年知縣事廉明兼著政務修明值歲饑賑濟有方全活甚衆

趙誠蒙城人宏治中任典史奉法無私丰采自持不敢自卑其官務盡厥職

謝譽安邑人正德五年知縣事爲政廉明剛直次年流寇起民因譽入覲以城小賊銳力不能支避盜青州譽至自京都招聚邑民泣諭歸守民皆悅從六月二十六

日流賊張興率千餘騎攻城譽奮力却之城獲完後陞泰安州知州

何洪山西行都司山陰守禦千戶所舉人正德十六年

知縣事蒞政有爲陞德州知州

周原字惟一鄆縣人嘉靖二年知縣事寬嚴有體文學之聲溢於遠邇鞠獄平允人皆悅之

李鐸字伯和直隸人先知朝城乙酉調昌樂清修雅重動循禮法廉明大著仕至江西叅政

朱木常熟人嘉靖二十四年知縣事爲政勤敏以德化民下令如流水法行民悅至修學宮興文獻剔弊興利如古循良始創修邑志多所發明

王家相平鄉人萬歷十六年知縣事建社倉義倉增置學田修葺舖舍申明法紀振興有爲有碑記其政

昌樂縣志

卷十九

宦蹟

五

李思孝東明人萬歷十八年知縣事政尚廉平釐弊剔奸賑飢勸墾多所建置修舉

張美安化人萬歷二十四年知縣事建石城石街民不告疲

岑東曙萬歷二十八年任教諭清慎自持和平作士

沈自彰上元人萬歷三十五年調知昌樂縣事常銘座右曰不剥民肥己不緩德峻刑不徇情枉法及蒞政皆如其銘

劉可訓澧州人萬歷三十八年以舉人知縣事慈惠仁明如古循良均徭賦省刑獄人歌樂只

仲嘉秀水人萬歷四十五年知縣事廉明剛斷盜賊屏息振興文教賑恤困乏

張魯得乙丑進士崑山人天啟中知縣事政尚廉平有德惠於民

劉芳奕洛陽人慷慨負智畧天啟四年舉於鄉崇禎中知縣事築外城以資保障詳見建置考爲政恩威並用緩急倚焉

王績之正定人崇禎元年任典史勇於任事才幹通敏嘗捐俸修奎星樓

楊復亨咸寧舉人崇禎十四年知縣事有全城功

昌樂縣志

卷十九

宦蹟

六

辛炳翰渭南人貢生崇禎十五年知縣事廉明寬厚禮士惠民有禦寇全城之功

國朝房文登遼東人順治三年任訓導持已端方待士寬厚以身率教師範卓然

馬獻墀同州舉人順治八年知縣事重文學清田畝士民懷之

呂正音新昌人進士順治中知縣事廉潔不欺有爲有守不數月以行取陞戶部主事

葉翹嘉善人貢生順治中知縣事均輸運興學校有碑記其事

岳貞四川舉人康熙元年知縣事清白有守以仁明豐惠著於時至振法紀勵風俗尤得古循良之體焉

馬琬字奉璋武功人甲午副榜康熙三年知縣事時功

令未嚴雜派私徵賦役無額琬力行振革積弊以清重

學課士文風丕振三十三年閩邑士民公請崇祀各宜

賀基昌光州人進士康熙八年知縣事力行善政以德

綏民政通人和百廢俱興且博採舊聞續修邑志以傳

於今

王文燭膠西人康熙中任訓導甫蒞任即修葺學宮捐

置祭器於士子訓飭有方邑令修縣志文燭多所發明

昌樂縣志

卷十九 宦績

七

朱宏仁字完一號靜菴清豐人雍正癸卯進士知縣事

有學有爲以躬行節儉爲民倡以典刑剔弊爲已責蒞

任四載民感其德爲立生祠於城隍廟中復立碑記善

政於上一捐俸買學田六十畝在營邱集一旌表節孝

不言生長士民無由慶賀一丁祭公費不絲毫派單行

戶一童生試卷定價銀伍分一內宅門不受規禮一總

行魚行永不押帖一帶徵糧加一當年糧加一七一

糧不用催役一量斗人每斗定價大制錢二文一牙行

押帖定價大制錢伍百一迎音公費不絲毫二文一牙行

派果行戶俱自出備一糧票定價大錢二文迄今七十

餘載祠祀民復共新之

傅隆阿字立亭舉人清洲鎮黃旗人乾隆甲戌知縣事

鍾廣起長興縣舉人乾隆乙卯知縣事慨惻慈祥喜怒

不形於色凡出令皆取信於民民亦不忍欺之

曹宅安字深甫河間舉人知縣事性剛方遇民訟數言

詎直立判尤力興文教公務餘暇進諸生指授經義嫻

嫻不倦

趙其璜號年山乙酉拔貢任縣教諭性嚴正興學勵才

靡不畏服值大成殿圯力糾紳士修葺

紀大奎字育齋江西人由舉人署縣事寬厚仁慈百姓

愛戴其自奉儉約清苦之操尤爲罕見去時行李蕭然

展天賜字子受萊陽人少孤苦每以不逮事親爲恨奮

昌樂縣志

卷十九 宦績

八

志讀書爲名儒中乾隆丙子副車癸丑任縣教諭自奉

甚儉而嗜購書無寒暑手執一經勸迪生徒油油善入

而操持嚴正諸生有所投贈微不當義拒而不受上憲

知其貧欲少爲謀資斧天賜面辭之丁巳以老乞休距

支俸月餘或謂曷少待天賜曰吾久於此者欲爲親博

一命榮耳

覃恩已降志願足矣敢戀祿養耶臨行猶以學宮藏

書年久殘缺捐貲囑其門人修補之

魏禮焯豐潤舉人嘉慶元年知縣事性明斷慷慨無趨

避而敬禮賢俊與所知士居坡谿無隱諂藹然如骨肉

學規於壁開陳明曉俾士知古人可學而至廣學舍修
先農壇入蜡廟忠義祠凡關祀典者次第備舉又以邑
志久缺纂修考訂共三十四卷尙未付梓以事罷歸後
數年卒於家

王化昌宣化舉人嘉慶七年署縣事爲政寬嚴得宜操
縱有要歲征銀兩濫規俱減凡有獄訟曲直立判不使
停滯邑獲大盜株連甚衆案定無一累及攝篆文登送
者數千人嘉慶八年卒於署櫬過昌樂市人皆哭奠於
路至擁櫬不得行云

昌樂縣志

卷十九

宦績

九

昌樂縣志卷二十

鄉賢傳

君子取舍異趨出處異轍而苟立

朝廷有大節對父老無慙色嘉言懿行留於鄉人之口而足厭其心則其人之生平本末畢具於此矣曰鄉賢稱名邇而見義遠也作鄉賢傳

逢萌

黃愚

王衷

趙鶚薦

鄉薦 池

于化肥

邱齊泰

閻世繩

循琦 循觀

劉軼政

昌樂縣志

卷二十 鄉賢

一

東漢逢萌字子慶北海都昌人家貧初爲亭長時王莽殺其子逆節旣萌郡國豪傑及漢忠臣不附莽者皆死王字吳章之黨死者凡數百人萌謂其友曰三綱絕矣不去禍將及人卽解冠掛東都城門攜其家浮海客於遼東光武卽位始還勞山累徵不起同孝子王衷受祀鄉賢

黃愚漢之命士其墓在邑黃山之陽崇祀鄉賢事蹟失考

魏王衷字偉元北海營陵人父儀爲司馬昭所殺衷痛父非命隱居教授三徵七聘不就盧纂琴松悲號涕泣

於樹樹爲之枯母性畏雷每遇雷輒造墓所曰哀在此讀詩至蓼莪未嘗不三復流涕門人爲廢蓼莪家貧躬

耕計口而田度身而蠶或餽貽不受門人嘗爲刈麥哀棄之及司馬氏篡位衷終身未嘗西向坐以示不臣於晉後洛京傾覆寇盜蜂起衷戀墳墓不去爲賊所害

明趙鶚薦字左山以貢生授完縣訓導性至孝晨昏問親無少間父卒廬墓三年一夕有盜抵墓所夜分猶聞

悲泣聲感嘆而去母卒復廬墓三年鞠煉異母妹靡不周備授從弟鄉薦子池業以古人相期許後鄉薦與池

同登賢書池復成進士爲名臣皆鶚薦教誨之力也卒

昌樂縣志

卷二十 鄉賢

二

祀鄉賢

鄉薦字近山鶚薦從弟嘉靖辛酉舉人授湖南同知丁艱後補正定府同知性孝友母病不食每夜焚香祝天願移壽於母推產讓兄自取其遺兩佐大郡廉隅彌勵卒於官至不能備棺殮清修雅操邑人公舉鄉賢奉詔入祠

池字道涵鶚薦子嘉靖辛酉舉人隆慶戊辰進士授行人行取御史治中城大瑞馮保橫甚丑姪公行馳道不避池叱下之上章劾保不報差巡鹽河東時鹽課久不足額池行視其地曰鹽自足注不謬耳一爲調劑課遂

常格及復命例有內閣重餽也不與所羨盡還上之
陞汝寧府知府撫善長制強暴郡豪而明儕多不法託
吏進餽叱之去卒正其罪士人房櫛焉寃獄辨釋之一
郡稱治以疾致仕士民立祠尸祝焉邑人公舉崇祀鄉
賢

子化鵬歲貢生任海鹽縣丞性至孝備極色養終身不
渝

邱齊泰字登之應科次子少穎俊年十三歲補諸生有
聲貢入太學爲司城余煌董其昌所首拔丁卯舉於鄉
敦倫制行以古人自期事太翁曲體養志撫姪及姪女
昌樂縣志

卷二十 鄉賢

三

若已出愛弟妹備極恩禮持身廉介遇物平恕賑乏
節遠近稱爲真孝廉能詩文詞賦冲淡爾雅有先輩風
味

國朝開世繩字寶詒號樸齋諫季子三歲失怙值明季
板蕩隨母田氏避亂山中卽能力學

國朝定鼎入泮壬子選貢捷北闕丙辰進士第二選
常

御試高等擢侍 青宮累官左春坊左諭德兼翰林院
修撰前後纂修會典鑑古集覽校閱

日講易經解義

恩齋殷渥載

皇恩紀畧中年後告歸惟殘書數簾白隨曰十餘年寄
食長安守拙無能依然故我未嘗知爲官之樂亦不知
罷官之苦安分知止寒士風味也杜門家居以課子孫
爲事鄉黨有倚才必勸之學來學者諄諄教以實行於
邑東南隅建敬業堂延及門之士設義學二區顏曰集
義由義以處孤寒自題其楹曰

九重雨露深哉有夢何嘗忘

北闕十載風雲過矣餘閒且自樂東臯又曰清獻之焚
香了凡之造命未能行焉課爾讀督爾耕祇克承其祖

昌樂縣志

卷二十 鄉賢

四

業子公之駟馬王氏之三槐何可當也高其門大其族
惟靜聽乎天心年七十四卒病中命子孫曰吾位不爲
卑年不爲不壽身後亦無所憂惟草野偷安

君恩未報耳後以曾孫循琦貴

誥贈工部尚書郡志入文學傳有文集雜著行於世鄉
誼貞憲先生子五人長愉見本傳次懋候選州同知次
惺惺俱庠生次憚見本傳

論曰按郡志曰公淡泊寡營獨雅好文學教諸子及
門皆後先騰達營陵人文爲之蔚起蓋以著作之才
而提倡一方者矣今考公告歸時同罷者七人爲學

王孟亮揆沈上塘侍讀王鍾靈贊壽田成玉綢修貽
敦思金德嘉在諸公自謂守拙安分而不務諛聞不
苟去就之大節知之者每嘆慕之一時都下有四
君子之目從此抱璞臣聞倏倏然環而臨終戒子殷
殷望

闕至老不衰之誠惓然如見文章本原具於是而
其身長子以解解成進士入詞館孫曾承繼迄今守
家法衍餘慶人謂後學之報抑亦其畏榮慕道
而所留貽者遠與

循琦字景韓號瑋庭篤行傳廷信子也乾隆戊午舉人

昌樂縣志

卷二十

鄉賢

五

王戊進士以庶常改工部主事歷官工部尚書

誥授資政大夫官部曹時風格高雋一無交綰工部事

繁繁多非素練而持之以正鮮不爲吏所蒙循琦清白

乃心不辭勞動歷四司三殿庫局諸任皆稱職嘗因論

河道事剴切尙書李元亮驚起指座曰此位終當屬君

上有問上官必首以對

上稔其廉能擢居言路上救荒疏又條陳外任陞調錢

穀出納等事俱爲現例所行西山煤窰歲久淤塞有議

別營者因緣爲利循琦獨持不可建議當於舊處開鑿

既淤去煤暢官不費而民不擾相國以議帖呈

御覽行之果驗

欽命管坐糧廳事出入煩劇易叢弊端循琦加意釐剔
無苛縱事以理分督

三殿大工益矢公慎夙夜兢兢由是受

上深知旋掌銓政有選人私餽金帛叱却之由內閣侍
讀學士超擢工部左右侍郎奏對一秉樸忱無所諱飾
充會試知貢舉士子飲食器具躬自審視所以體卹之
者備至覆

命訖

上問向來諸臣皆有條奏汝獨無何也對曰則例極明

昌樂縣志

卷二十

鄉賢

六

備果實力奉行自足不敢毛舉一二端謬矜曉事且獲
士子聽聞

上領之良久曰汝言甚是凡事皆當如是推領尙書後

自言任愈重心愈懼一日不詣公此中覺有缺欠羣吏

相戒曰勿作奸聞尙書清勤不可欺也

上問工部現有何事奏曰新疆例告成因奏從何起止

之處凡數百條一一昭晰

特命往奉天審理官犯覆理東光獄檢按銓選事例皆

詳慎稱

言乾隆四十年十二月以疾卒於官年六十有六奉

上諭工部尚書開循琦老成練達宣力有年淳歷正卿正資倚任前以染患噎隔特頒內府藥餌令其加意調攝冀可速痊茲聞溘逝深爲軫惜着加

恩晉贈太子太保並派散秩大臣一員帶同侍衛十員前往奠醊所有應得卹典並着該部查例具奏於是禮臣奏加祭一壇給全奏銀五百兩仍予謚內閣按謚法敬事供上曰恭純行不喪曰定循琦有焉得

旨報可初循琦疾作於五月時方奉五城監糶之

命往來厥暑未嘗言瘁九月

上自木蘭還於馬上慰勞之遽

昌樂縣志

賜服五食丸已而疾劇屢蒙

召問距卒前旬日猶蒙

賜紫禁城騎馬

上之優禮大臣有加無已而循琦始終受

恩榮哀畢備亦可見其盡瘁匪躬矣若京軍而有制不

問生產家計蕭然理葬具幸賴

賜金殯歸日義學生徒白衣冠執香泣送詢之云感齋

德也子四人學朱見本傳學澄江蘇溧陽縣丞學淳乾

隆癸卯舉人甲辰進士歷任江南淮揚海河務兵備道

有河南南汝光道學海嘉慶戊午舉人

觀子懷庭號伊蒿延倚之子天性過人學行醇正自海岱名流以及當代縉紳莫不目爲真儒思一見以韓孟六歲而孤十一歲喪母寢苦塊塊或令就床卽泣曰吾母止兒一人若就床誰作伴耶至葬不移片地近瘞下值雨水噴掾循觀以爲大戚凡陰雨日輒號泣不食繞墓走百計思澆洩不可得後乃決計改葬墓故灰隔結塊堅結治之必以重器循觀泣曰甚毋用銷鏹恐驚吾父母也乃徐徐自破之猶時時呼父母曰兒在此勿怖也比極見卽大慟不止見者莫不掩泣凡祭祀必手盥祭器親驗祭品祭之先齋居以思於所及見於先人

昌樂縣志

者彙爲解民齋思諸父廷倬廷佑先後卒於官鬻田以

襄葬事姊適趙氏素貧邀與同居予之豐田衣食足供

一飯一漿必親奉姊撫甥立本立仁如已子其仁孝流

溢類如此自幼才質異人讀書歲餘卽通三經文成章

莫不奇之年十七補諸生十八登黃書頭累困春闈丁

丑房考虛文昭以第一人薦座主激賞之魁虛力爭以

此相左又落第退與弟子講學程壽山從遊之士不遠

數百里來其爲教以濂洛爲宗以孝弟爲本又探習先

儒得其所以用力之方被其教者皆知聖賢可學而至

發爲文出乎潔厚之性歸乎古聖賢人扶教之誠非獨

達於道德其中和之氣溫煦涵濡如元氣之養物有莫
知其所以然者其于韓退之所謂其言言如音道之矣
讀其文知其人嶄然自守油油乎其自衛者也乾隆丙
戌成進士第九官吏部考功司主事一秉直道考察吏
治毫無假借每事必詳核比例準情酌理而後定稿不
肯隨方就圓事或齟齬輒不畫押同刻日看堂官面稍
降心可乎答曰吾學何事豈至是變耶且位卑官小凡
事不得主張所可主張者此手耳並此手而委之人如
之何則可吏或舞文察之使不行然亦不遽責之取桂
林陳文恭所刻在官法戒錄教諸吏暇則爲講說其義

昌樂縣志

卷二十 鄉賢

九

嘗曰吾以不肖待其人存其廉耻俾知法戒安見吏不
可教也吏畏其明而懷其德咸欽服歛手不敢爲非同
官會食部署循觀獨以麥餅自隨曰非儉也恐食悞公
耳司中有月積公項例應分給僕役其僕張某已分受
命之反語曰吾不肯強汝之廉應得者吾以俸償之自
是僕亦知不受也在部三年以疾請假故事職官之祿
春秋分頒當告歸時距頒祿之期僅三日有友人止之
曰君資斧艱其少留祿可得也循觀曰吾懼貪位懷利
以事君若爾是懷利也友人歎息而去及歸人或問居
官事曰究是誠不足以感人吾積誠數年再出庶其可

矣未幾卒時年僅四十有五所著有西澗草堂古文集
困勉齋私記尙書讀記春秋一得西澗草堂詩集西澗
制義諸書行於世論語諸毛詩讀記各人小傳見聞隨
筆藏於家鄉人私謚孝簡先生子四人長學夏已酉拔
貢次學高戊辰歲貢次學必諸生次學游

昌樂縣志

卷二十 鄉賢

十

論曰閭考功德行學術真無愧有宋諸儒彼其六歲
而孤十一喪母哀毀改葬祭祀必誠而自號伊蒿隱
寓蓼莪詩人之意可以與其鄉魏孝子王哀媲美矣
迨苦心力學祖述程朱成進士歷考功清勤守正化
及僕隸不肯苟祿出處何皎然哉既歸猶以誠不足
感人爲憾而益深砥礪襟期宏遠矣乃年壽不永惜
哉鄉人稱曰孝簡蓋其學行寔踐誠有不沒於人心
者與

劉軼政字超夫號惕菴廩炫季子七歲就外傳教之讀
不出聲詰之已成誦矣十一歲九經皆成誦康熙辛卯
壬辰聯捷銓選江西湖口縣知縣改授直隸深州饒陽
知縣前令以虧庫項不得歸軼政毅然任之會饒有水
災單騎巡視額請上憲奉

旨賑濟饒人德之解組後依然手不釋卷著有詩文集
藏於家鄉人私謚文愨先生子應詔廩生孫爾葵兩

俱進士見本傳

日樂米示

卷二十 郎賢

十一

鄉賢傳卷二十終

昌樂縣志卷二十一

忠義傳

忠義本於天性而或以緘默取容或以險夷易節抑獨何哉若夫逆鱗可批期於悟主臨難不避至於殺身斯貞義烈足以貫日月而薄雲矣雖曰天性人可哉作忠義傳

逢丑父

王儀

滕胤

劉敏元

張志善

盧廷器

璿

趙鳳來

超

田集蘭

昌樂縣志

卷二十一 忠義

一

吳玉絃

劉雨莘

附 馮義 釋法會

春秋逢丑父齊大夫卽逢公伯陵之後也齊侯戰敗丑父與君易位居車中晉韓厥獲之卻子將戮之丑父呼曰自今無有代其君任患者有一於此將爲戮乎乃免之

三 王儀北海營陵人性剛直不畏權勢爲安東將軍司馬昭東關之敗問於衆曰今日之事誰任其咎儀曰責在元帥昭怒曰司馬欲委罪於孤耶卽引出斬之其子璿遂終身不仕於晉

滕胤字承嗣北海劇人少有節操美儀容弱冠尙公主年三十起家爲丹陽太守徙吳郡會稽所在見稱後爲太常與諸葛恪等俱受遺詔輔政

晉劉敏元字道先北海劇人厲已取學不以險難改心潛心易太元不好讀史常謂同志曰誦書當味義根何爲費功於浮詞之文易者義之源太元者理之門能明此者卽吾師也永嘉之亂西奔同縣管平年七十餘隨敏元西行及滎陽爲盜所劫敏元已免乃還謂賊曰此公孤老請以身代賊相謂曰義士也俱免之後仕劉曜爲中書侍郎

昌樂縣志

卷二十一 忠義

二

明張志善洪武中以功充錦衣衛將軍永樂十四年征交趾多著奇功未幾陣亡勅封征南元帥蔭卹有差盧廷器性勇烈有才技嘉靖中以把總擊倭寇子璿請從已而父子俱亡於軍有旨褒卹廕其子賜祠祭之後廷器妻李氏死子珍廬墓三年廷器孫文燦死妻劉氏自縊以殉其夫一門世篤其烈如此有碑記 詔廷器與子璿俱入忠孝祠

讀曰以余所觀盧廷器家門事何其死節之易易也廷器起卒伍備一校之任卒能奮不顧身蹈死綬之義斯亦難矣有子璿相隨戰沒胡其烈也廷器妻李